

IMPRESIONANTE CEREMONIA DI BAUTIZO DI OBRA LITERARIO "MILAGRO"



ORANJESTAD (AAN) -- Diasabra ultimo pa 7'or di anochi a tuma lugar na Sea-port Conference Center e ceremonia di batizamento di e di dos buki di Poesia publica pa Belen Kock-Marchena yama "Milagro" cu ta un serie di 15 poesia.

"MILAGRO" a worde dedica na Zuster Juliette, ken tin hopi di haber cu e buki aki. E batizamento a worde haci na un manera diferente ya cu no a usa champagne pero a

tira ilor, door di man di e dos princesita Laurita y Jenniree. Madrina di e buki: Sra. Digna Lacle-Herrera.

Despues di a duna honor y respet na Himno Nacional di Aruba, Sra. Digna Lacle-Herrera a declama "Papiamento". Seguidamente un melodia di nomber "Vibrashon" di Padu del Caribe a worde interpreta pa Tica Giel y Tino Ruiz. Zuster Juliette a ricibi palabranan masha bunita di danki for di e autor di "Mila-

gro" Belen Kock-Marchena pa su apoyo.

Zuster Juliette tabata hopi impresionada loke a reflehá a traves di su palabranan.

E portada di e obra nobo "Milagro" ta un pintura di Sonia Lemminga, ilustracion ta creatividad di Nagel Mathew. Traduccion di e buki di Papiamento pa Ingles: Maddona Stephens, ken a haci un tremendo trabao. Arte diseño den computer: Raffy Kock.

